

忠烈祠舊傳五 勲鎮

沐英 字文英 子昌建 楊洪 子俊 從

子能

沐英字文英本姓李武岡扶城人元末自扶城徙居濠州定遠遂爲定遠人至正壬辰李氏居室燬於兵其父死焉英從母避兵於野母又死惇無所歸謁太祖於濠梁上爲惻然孝慈皇后尤憐之撫爲子從朱姓英厚重簡默雖在髫髻不樂兒戲年十八授帳前都尉守鎮江稍遷指揮使守廣信已從大軍征福建有大功始命復姓太祖謂之曰無從爾李亦無從我朱取朱之下與李之上賜姓木氏其後又加水爲沐移鎮建寧尋遷大都督府僉事進同知府中機務繁積英年少明敏剖決無滯后數稱其才帝亦器重之

寶慶府志 卷第一百二十一

耆舊傳勲鎮

一

洪武九年命乘傳詣關陝抵熙河問民疾苦事有不便更置以聞明年充征西副將軍討吐番西略川藏耀兵崑崙功多封開國輔運推誠宣力武臣榮祿大夫柱國西平侯食祿二千五百石予世券明年拜征西將軍討西番拓地數千里俘男女二萬雜畜二十餘萬乃班師元國公脫火赤等屯和林數擾邊十三年命英總陝西兵出塞略亦集乃路渡黃河登賀蘭山涉流沙七日至其境分四翼夜擊之而自以驍騎衝其中堅禽脫火赤及知院愛足等獲其全部以歸明年又從大將軍北征異道出塞略公主山長寨克全寧四部度臚胸河執知院李宣盡俘其衆尋拜征南右副將軍同永昌侯藍玉從將軍傅友德取雲南元梁王遣平章達里麻以兵十餘萬拒於曲靖英乘霧趨白石江霧霽兩軍相望達里麻大驚友德欲渡江英曰我兵罷懼爲所扼乃帥諸軍嚴陳若將渡者

可兵從下流濟出其陳後張疑幟山谷閒人吹一銅角元兵驚
擾英急度軍渡江遂大敗之生禽達里麻僵屍十餘里長驅入雲
南梁王走死右丞觀音保以城降屬郡皆下獨大理倚點蒼山洱
海扼龍首龍尾二關關故南詔築土酋段世守之英自將抵下關
遣王弼山洱水東趨上關胡海山石門閒道渡河攀點蒼山而上
立旗幟英亂流斬關進山上軍亦馳下來擊禽段世遂拔大理分
兵收未附諸蠻設官立衛守之回軍與友德會滇池分道平烏撒
東川建昌芒部諸蠻立烏撒畢節二衛土酋楊苴等復煽諸蠻二
十餘萬圍雲南城英馳救蠻潰竄山谷中分兵捕滅之斬級六萬
明年詔友德及玉班師而留英鎮滇中二十二年思倫發復寇定
邊衆號三十萬英選騎三萬馳救蠻毆百象被甲銳甚英分軍爲
三將戰令曰今日之事有進無退因乘風大呼礮弩並發象皆反

寶慶府志卷第一百二十一

耆舊傳勲鎮二

走昔刺亦者寇梟將也殊死鬪左軍小卻英登高望之取佩刀命
左右斬帥首來左帥見一人握刀馳下恐奮呼突陣大軍乘之斬
馘四萬餘人生獲三十七象餘象盡殪賊渠帥各被百餘矢伏象
背以死思倫發遁去諸蠻震懼麓川始不復梗已會穎國公傅友
德討平東川蠻又平越州酋阿資及廣西阿赤部是年冬入朝賜
宴奉天殿資黃金二百白金五千兩鈔五百錠綵幣百疋遣還陞
辭帝親拊之曰使我高枕無南顧憂者汝英也還鎮再敗百夷於
景東思倫發乞降貢方物阿資又叛擊降之南中悉定使使以兵
威諭降諸番番部有重譯入貢者二十五年六月間皇太子薨哭
極哀初高皇后崩英哭至嘔血至是感疾卒於鎮年四十八軍民
巷哭遠夷皆爲流涕歸葬京師追封黔寧王謚昭靖侑享大廟英
沈毅寡言笑好賢禮士撫卒伍有恩未嘗妄殺在滇百務具舉簡

守令課農桑歲較屯田增損以爲賞罰墾田至百萬餘畝墾地溢
浚而廣之無復水患通鹽井之利以來商旅辨方物以定貢稅視
民數以均力役疏節閭閻民以便安居常讀書不釋卷暇則延諸
儒生講說經史大祖初起時數養他姓爲子攻下郡邑輒遣之出
守多至二十餘人惟英在西南勲最大子春晟昂皆鎮雲南听駙
馬都尉尙成祖女常寧公主春字景春材武有父風年十七從英
征西番又從征雲南從平江西寇皆先登積功授後軍都督府僉
事羣臣請試職帝曰兒我家人勿試也遂予實授卒年三十六謚
惠襄春在鎮七年大修屯政闢田三十餘萬畝鑿鐵池河灌宜良
涸田數萬畝民復業者五千餘戶爲立祠祀之無子弟晟嗣晟字
景茂少凝重寡言笑喜讀書大祖愛之歷官後軍左都督建文元
年嗣侯已論功封黔國公歲祿三千石予世券卒贈定遠王謚忠

寶慶府志卷第一百二十一

耆舊傳勲鎮三

敬晟席父兄業用兵非所長戰數不利朝廷以其絕遠且世將寬
假之而滇人懾晟父子威信莊事如朝廷片楮下土酋具威儀出
郭迎盟而後啟曰此令旨也晟有子斌字文輝幼嗣公爵居京師
而以昂代鎮昂字景高初爲府軍左衛指揮僉事成祖將晟南討
乃擢昂都指揮同知領雲南都司累至右都督正統四年佩將印
卒贈定邊伯謚武襄斌始之鎮會緬甸執思任發送京師其子思
機發來襲斌擊卻之思機發復據孟養十三年復大發兵使王驥
等討之斌爲後拒督餉無乏卒贈大傅謚榮康子琮幼景泰初命
昂孫璘以都督同知代鎮璘字廷章素儒雅滇人易之旣而號令
肅然不可犯天順初卒琮猶幼擢璘弟錦衣副千戶璦爲都督同
知往代居七年成化三年春琮始之鎮以璦爲副總兵移鎮金齒
琮字廷芳通經義能詞章屬夷僉贊無所受尋甸酋殺兄子求爲

守琮捕誅之廣西土官虐所部爲亂琮請更設流官民大便卒贈
大師謚武僖無子以璜孫崑嗣崑字中元初襲錦衣指揮僉事琮
撫爲子朝議以崑西平侯裔孫當嗣侯而守臣爭之謂滇人知黔
國公不知西平侯也侯之恐爲所輕孝宗以爲然令嗣公佩印如
故再加太子太傅卒贈大師謚莊襄子紹勛嗣卒贈大師謚敏靖
子朝輔嗣都御史劉渠索賂朝輔與之因上章言臣家世守茲土
上下相承今有司紛更典制關臣職守率不與聞接見不循故例
臣疏遠孤危勛作掣肘無以彈壓蠻方乞申救諸臣悉如其舊詔
許之卒贈大保謚恭僖二子融輩皆幼詔視琮璜故事令融嗣公
給半祿而授朝輔弟朝弼都督僉事佩印代鎮居三年融卒輩當
嗣朝弼心害之於是朝弼嫡母李請護輩居京師待其長而還鎮
報可輩未至京卒朝弼卒得嗣後以不法逮繫詔獄論死援功錮

之南京卒昌祚初以都督僉事總兵官鎮守久之嗣公爵萬厯元
年姚安蠻羅思等叛殺郡守昌祚與都御史鄒應龍發土漢兵討
之破向寧鮮摩等十餘寨羣其巢盡得思等十一年隴川賊岳鳳
叛附緬甸挾其兵侵旁近土司昌祚壁洱海督裨將鄧子龍劉繼
等斬木邦叛酋罕虔以暑瘴退師明年以復攻罕虔故巢三道並
入禽其酋罕招等又破緬兵於猛臉岳鳳降論功加大子大保悉
食故祿復以次平羅雄諸叛蠻再賜銀幣緬兵攻猛廣昌祚會師
壁永昌緬人遁追擊至那莫江瘴作而還二十一年緬人復入寇
昌祚逐之連戰俱捷遂傳於緬會羣蠻內亂乃還沐氏在滇久威
權日盛尊重擬親王昌祚出僉事楊寅秋不避道昌祚笞其輿人
寅秋訴於朝下詔切責已以病命子獻代鎮武定土酋阿克叛攻
會城脅府印去獻被逮下獄昌祚復理鎮事卒孫啟元嗣卒子天

波爾十餘年而土司沙定洲作亂天波奔永昌亂定復歸於滇永
明王由榔入滇天波任職如故已從奔緬甸緬人欲劫之不屈死
始沙定洲之亂天波母陳氏妻焦氏自焚死後天波奔緬妾夏氏
不及從自縊死踰數十日收葬支體不壞人以爲節義所感焉初
昭靖之追封黔寧王也其祖妣之合葬於扶城者以孫貴追封王
妣封夫人世謂之王墳成化初黔武僖公琮始遣其鄉人藍昌建
歸原籍扶城使世守王墳隆慶三年黔國公朝弼遣百戶齊顯勲
至城步扶城石羊寨之寅衝修砌王墳立碑曰黔國先塋見氏族
表

藍玉城步扶城人其先曰昌見從楊再思取飛山寨再思據誠州
而令昌見世居扶城玉昌見之十四世孫也祖某同沐氏徙懷州
遂爲定遠人玉姊適開平王常遇春故初隸遇春帳下臨敵勇敢

寶慶府志 卷第百二十一

耆舊傳勲績五

所向皆捷遇春數稱於太祖由管軍鎮撫積功至大都督府僉事
洪武四年從傅友德伐蜀克綿州五年從徐達北征先出雁門敗
元兵於亂山再敗之於土刺河七年帥兵拔興和獲其國公帖里
密赤等五十九人十一年同西平侯沐英討西番禽其酋三副使
斬獲千計明年師還封永昌侯食祿二千五百石子世壽十四年
以征南右副將軍從穎川侯傅友德征雲南禽元平章達里麻於
曲靖梁王走死滇地悉平玉功爲多益祿五百石冊其女爲蜀王
妃二十年以征虜左副將軍從大將軍馮勝征納哈出次通州聞
元兵有屯慶州者玉乘大雪帥輕騎襲破之殺平章果來禽其子
不蘭溪還會大軍進至金山納哈出遣使詣大將軍納款玉往受
降納哈出以數百騎至玉大喜飲以酒納哈出酌酒酬玉玉解衣
衣之曰請服此而飲納哈出不肯服玉亦不飲爭讓久之納哈出

蜀酒於地傾其下咄咄語將脫去鄭國公常茂在坐直前砍傷之
都督耿忠擁以見勝其衆驚潰遣降將觀童諭降之還至亦迷河
悉降其餘衆會馮勝有罪收大將軍印命玉行總兵官事尋卽軍
中拜玉爲大將軍移屯薊州時順帝孫脫古思帖木兒嗣立擾塞
上二十一年三月命玉帥師十五萬征之出大寧至慶州謀知元
主在捕魚兒海間道兼程進至百眼井法海四十里不見敵欲引
還定遠侯王弼曰吾輩提十餘萬衆深入漠北無所得遽班師何
以復命玉曰然令軍士穴地而爨毋見煙火乘夜至海南敵營尙
在海東北八十餘里玉令弼爲前鋒疾馳薄其營敵謂我軍乏水
草不能深入不設備又大風揚沙晝晦軍行敵無所覺猝至前大
驚迎戰敗之殺大尉蠻子等降其衆元主與太子大保奴數十騎
遁去玉以精騎追之不及獲其次子地保奴妃公主以下百餘人

又追獲吳王朶兒只代王達里麻及平章以下官屬三千人男女
七萬七千餘人並寶璽符敕金牌金銀印諸物馬駝牛羊十五萬
餘焚其甲仗蓄積無算奏捷京師帝大喜賜敕褒勞比之衛青李
靖又破哈剌章營獲人畜六萬師還進涼國公明年命督修四川
城池二十三年施南忠建二宣撫司蠻叛命玉討之又平都勻安
撫司散毛諸洞益祿五百石詔還鄉二十四年命王理蘭州莊浪
等七衛兵以追逃寇盡降其衆因請增置屯衛報可復請籍民爲
兵討朶甘百夷詔不許遂班師玉長身頰面饒勇略有大將才中
山開平旣沒數總大軍多立功大祖遇之厚寢驕蹇自恣多蓄莊
奴假子乘勢暴橫嘗佔東昌民田御史按問玉怒逐御史北征還
夜叩喜峯關關吏不時納縱兵毀關入帝聞之不樂又人言其私
元主妃妃慚自經死帝切責玉初帝欲封玉梁國公以過改爲涼

仍猶其過於分王猶不悅侍宴語傲慢在軍擅黜陟將校進止白
專意數譙讓西征還命爲太子大傅王不樂居宋穎兩公下曰我
不堪太師耶比奏事多不聽益怏怏二十六年二月錦衣衛指揮
蔣瓛告王謀反下吏鞠訊獄辭云王同景川侯曹震鶴慶侯張翼
船艚侯朱壽東莞伯何榮及吏部尙書詹徽戶部侍郎傅友文等
謀爲變將伺帝出藉田舉事獄具族誅之列侯以下坐黨夷滅者
不可勝數手詔布告天下條列爰書爲逆臣錄至九月下詔曰藍
賊爲亂謀泄族誅者萬五人自今胡黨藍黨概赦不問胡謂丞
相惟庸也於是元功宿將相繼盡矣凡列名逆臣錄者一公十二
侯二伯王族誅時有侍妾有身匿西平侯沐春家春以與王同鄉
誅非其罪不忍絕其世匿妾於府中遺腹生子昌建藍氏之居扶
城者懼禍皆改姓秦氏昌建長於黔國至成化初子孫俱已成立

貴慶府志卷第一百二十一

耆舊傳勳績七

黔武僖公琮知禁網已解且念先王之墳莫之埽也乃使昌建率
其眷屬歸原籍扶城屬其世守王墳於是城步始復有藍氏故藍
秦二氏至今不通婚而深感沐氏繼絕之惠其於黔寧先王之墳
不啻若其鼻祖也

楊洪字宗道城步人其先出漢太尉震之後唐末有再思者因世
亂據有誠徽谿峒梁開平時爲誠州刺史十四傳有名政者明初
以功爲漢中百戶始占籍爲六合人洪之祖也父璟嗣職爲百戶
戰死靈璧洪嗣職調開平善騎射遇敵輒身先突陣初從成祖北
征至斡難河獲人馬而還帝曰將才也令識其名進千戶宣德四
年命以精騎二百專巡徽塞上繼命巡西猶兒峪畱兵戍之敗寇
於紅山英宗立尙書王驥言邊軍怯弱由訓練無人因言洪能詔
加洪遊擊將軍洪所部才五百詔選開平獨石騎兵益之再選

指揮僉事時先朝宿將已盡洪後起以敢戰著名爲人機變敏捷
善出奇搗虛未嘗小挫雖爲偏校中朝大臣皆知其能有毀之者
輒爲曲護洪以是得展其才尙書魏源督邊事指揮杜衡部卒李
全皆訐奏洪罪帝從源言詢衡廣西執全付洪自治尋命副都督
僉事李謙守赤城獨石謙老而怯故與洪左洪每調軍謙輒陰沮
之洪嘗勵將士殺敵謙笑曰敵可盡乎徒殺吾人耳御史張鵬劾
罷謙因命洪代洪益自奮朝廷亦厚待之每奏捷功雖微必敘帝
嘗賜敕嘉獎又敕宣大總兵官譚廣等曰此卽前寇延綏爲指揮
王禎所敗者去若軍甚邇顧不能撲滅若視洪等媿不三年春擊
寇於伯顏山洪馬蹶傷足戰益力寇大敗遁去璽書慰勞遣醫視
進都指揮同知賜銀幣尋以譚廣老命充右參將佐之尋進都指
揮使再遷都督同知進左都督軍士蒙賞者九千九百餘人十二

寶慶府志

卷第一百二十一

耆舊傳 勳鎮八

年充總兵代郭玪鎮宣府自宣德以來迤北未嘗大舉入寇惟朵
顏三衛衆乘間擾邊多不過百騎或數十騎他將率兵禦洪獨以
敢戰至大將諸部亦憚之稱爲楊王瓦剌可汗脫脫不花大師也
先嘗致書於洪並遺之馬洪聞於朝敕令受之而報以禮嗣後
數有贈遺帝方倚任洪不責也帝旣北狩道宣府也先傳帝命趣
開門城上人對曰所守者主上城池天已暮門不敢開且洪已他
往也先乃擁帝去景帝監國論前後功封昌平伯也先復令帝爲
書遺洪洪封上之時景帝已卽位馳使報洪上皇封書僞也自今
雖眞書毋受於是洪一意堅守也先逼京師急詔洪將兵二萬人
衛比至寇已退敕洪與孫鏗范廣等追擊餘寇至霸州破之獲阿
歸等四十八人還所掠人畜萬計及關寇返關殺官軍數百人洪
子俊幾爲所及寇去以功進侯命率所部詣京師督京營訓練兼

寧左府事朝廷以洪衛將所言多采納嘗陳禦寇三策又奏請簡汰三千諸營將校不得以貧弱充伍皆從之景泰元年于謙以邊警未息宜令洪等條上方略洪言四事命兵部議行上皇還洪與石亨俱授奉天翊衛宣力武臣予世券明年夏佩鎮朔大將軍印還鎮宣府從子能信充左右參將其子俊爲右都督管三千營洪自以一門父子官極品手握重兵盛滿難居乞休致請調俊等他鎮帝不許八月以疾召還京踰月卒贈潁國公諡武襄妾葛氏自經以殉詔贈淑人洪久居宣府御兵嚴肅士馬精強爲一時邊將冠然未嘗專殺又頗好文學嘗請建學宣府教諸將子弟子傑嗣上言臣家一侯三都督蒼頭得官者十六人大懼不足報稱乞停蒼頭楊釗等職詔許之仍令給俸傑卒無子庶兄俊嗣俊初以舍人從軍正統中累官署都指揮僉事總督獨石永寧諸處邊務景

府上言鹿角之制臨陣可捍敵馬結營可衛士卒每隊宜置十具
遇敵圍牌拒前鹿角列後神銃弓矢相繼迭發則守無不固戰無
不克從之天順初移鎮延綏進都督同知明年破寇青陽溝大獲
封彰武伯佩副將軍印總兵官鎮守如故延綏設總兵官佩印自
信始也頃之破寇高家堡三年與石彪大破寇於野馬淵明年寇
二萬騎入榆林信擊卻之追奔至金雞峪斬平章阿孫帖木兒還
所掠人畜萬計其冬代李文鎮大同憲宗卽位信自陳前後戰功
予世券成化元年冬禦寇延綏無功召還督三千營毛里孩據河
套命佩將軍印總諸鎮兵往禦寇既渡河北去已還據套分掠水
泉營及朔州信等屢卻之寇遂東入大同因詔信還鎮大同六年
信與副將徐恕參將張瑛分道出塞敗寇於胡柴溝獲馬五百餘
匹璽書獎勵信在邊三十年鎮以安靜人樂爲用十三年冬卒於
鎮贈侯諡武毅洪父子兄弟皆佩將印一門三侯伯其時稱名將
者惟楊氏

重刊府志卷第一百二十一

耆舊傳勲鎮十

志曰漢書有云關東出相關西出將蓋言地氣使然也城步山峭
多石氣象奇偉故歷代名將出焉在宋有楊再興在元有楊完者
在明有沐英藍玉楊洪父子豐功峻烈照耀宙合稽之載籍煜乎
偉矣顧歷來史傳多著寓籍而楚人尤甚如鄧處訥周湛皆武國
人也而唐書以處訥爲龍潭宋史以湛爲懷縣楊守謙彭澤顧成
皆長沙人也而明史以守謙爲徐州澤爲蘭州成爲蘇州若此之
類蓋非一事世徒據明史定遠六合之文以沐藍楊三家非城步
產雖以國初修通志諸君距明初不遠遺蹟猶存流風未沫亦
不能詳爲考證但云三族俱出城步而已嗚呼不通乎古今族望
世系源流與夫圖經地志同異詳略致古蹟就湮故家漸滅好古

之士略爲訂正眾口譁然且加以借才異地之謂豈不冤哉余窮
搜載記遍訪時彥僉謂扶城石羊寨之寅衝有黔國先塋六都大
竹坪之竹枝坡有高祖山卽楊洪之太高祖也余惟沐氏遠在滇
南無後可訪而藍楊之族猶有存者乃遣通識子弟躬詣藍楊之
族稽其逸事且令登寅衝竹枝坡以觀往蹟始得備悉三族始終
本末而黔國立碑之年委官代祭之典與嗣黔酋之沐朝弼令城
步之胡采往復印牒赫然在焉其說詳氏族表而高祖山當明中
葉爲豪族盜葬楊氏訟之官爲所抑彰武伯以聞於朝始得直至
殘明丙戌楊洪裔孫有楊裔然者以巡按至城步屬知縣劉某立
碑於朱家坳曰楊氏世勛至今猶存可覆按也嗚乎自譜學不明
官失其守又無好學博識之君子如歐陽氏鄭漁仲者爲之遠稽
博考辨別登載遂使勲鎮舊族日霾滅於峒煙蠻雨中曾不得比
寶慶府志

卷第百二十一

耆舊傳勲鎮士

於省民編戶良可哀已故具列正史本傳及各家譜牒逸事作勲
鎮傳以存一方掌故而復爲論之如此毋使好議論者藉爲口實
云

劉孔暉

陳君龍

何大衢

盧大受

林青陽

劉孔暉字默庵先世籍廬陵祖祐客邵家焉遂爲邵陽人父汝能字讓子以理學著自有傳孔暉生而端謹有至性自其幼聞人言忠孝事則感慨流涕年十三見賞於督學董其昌隸縣學十九餽於庠爲廩膳生天啓元年舉湖廣鄉試二年赴禮部試道聞兄孔昭病卽返侍病孔昭歿哀感行路母彭氏卒水漿不入口汝能嚴諭之乃強進糜粥坐臥匱側三年形毀骨立人稱古孝子崇禎十年丁丑會試以乙科授龍陽教諭十二年聘爲雲南同考官得左廷舉龔鼎十人廷舉鼎後均以節顯在龍陽三年課士最勤修黌

寶慶府志卷第一百二十二

耆舊忠節上

一

官廣學舍嘗出私財以佐貧士之有志意者以薦擢新鄭知縣時楚豫流寇充斥州縣令多聞風解綬去人皆視爲畏途或謂時勢如此當少俟觀變孔暉毅然行會襄陽告變乃開道趨鄭至則謁子產祠歎息久之時中原殘破鄭城單薄且地兼值大旱子遺教民竄徙無虛日孔暉知事不可爲猶勉強撫循集紳耆繕城濬壕設火器練義勇爲防禦計拮据粗定而賊勢逼矣鄭人多立誓自保或言隣令請於上官以時巡行村砦權宜規卽城守責欲借此以微諷孔暉正色謝曰某與城爲存亡而已不知有他也有賊騎百餘來窺親率民兵逐之又土寇王洪糾李際遇黨掠村砦孔暉督練勇趙汴等擒斬渠魁王二毛二十三人獲騾馬無算大吏競稱其能時十四年十月也己李自成從汴經縣孔暉遣尉督兵追之不及十二月初九日自成率輕騎數百逼鄭城揚言索縣印孔

暉厲聲叱曰逆賊敢爲此言我印官也守則死守戰則死戰誓不與逆俱生明日賊益數千騎來攻孔暉抵鄭甫三月所練民勇多中怯有豪紳某縋城求活孔暉適巡南城親執斬之而賊已登城斫其營墜城且死從者昇入民舍救醒絕食飲二日百姓環跪泣進少飯稍甦賊亦去孔暉曰復至則不可支矣急以狀飛報大吏復手喻紳民曰某待罪新鄭甫及三月苦爾百姓拮据匪甯今天不悔禍民重遭殃豈獨我生不辰今日之事惟有一死鄭大夫祠欲修未竟悞悞此衷我死後可爾百姓附我骨於祠側隙地庶幾尙友古人或不我拒鄭人聞之無不垂涕又遺書報其父曰人誰不死今得死所矣老父不得盡孝之子得死忠之子亦可無憾矣又作示兒書畢暈絕於地猶指揮丁壯大呼殺賊而賊已先去踰年正月初十日賊引眾萬餘復至城內矢石俱盡孔暉知不可復

寶慶府志卷第一百二十二

耆舊忠節上

二

友再遺書報父命僕劉登懷之遂投筆出禦爲賊執矣賊見印繫肘先折臂取之執至朱仙鎮見自成屹然植立不動自成欲屈之大叱曰我朝廷命官豈爲逆賊屈膝耶賊猶欲屈之使書孔暉見稿有由字烈皇帝御名也益激怒大罵逆賊不絕遂遇害時崇禎壬午正月十二日也年五十有三隸馬三立亦感憤罵賊死門人龍陽楊芳鍾寬家僕劉廷劉中劉儀楊時皆殉獨登懷書逃出歸報其父賊移攻汴鄭人相與收其屍月餘面目如生以禮殮殯于子產廟側後歸葬焉事聞贈尙寶卿廕一子八監崇祠名宦鄉賢甲申後楚撫復題建旌忠祠于愛蓮池左以孔暉曾讀書講學其地也今移祠東山濂溪書院之右名忠節祠而鄭人久而思之又合裴度王曾歐陽修及孔暉爲四賢配享子產祠 國朝通諡烈愍見明史劉振之傳 欽定勝朝殉節錄孔暉篤孝友父性

或急或他有所慰屏息侍立不移踵必得其怡色而後已兄卒撫
孤姪逾已子平居終日危坐無遽言疾色著有霞屏樓集學者稱
高霞先生子一應祁字澹庵自有傳附錄明劉同升忠烈劉公傳
人其先游楚之邵陽國家焉遂為邵陽人公諱孔暉字默庵廬陵樟橋
偉人志與人交和平然每聞忠孝事則慨慕不已年十三為董元
宰公九器之公至性孝友父體羸不離醫藥手製以進凡四十年
每病衣不解帶其事母彭如赤子之依於懷也幼與兄課家塾公
課已竟伏几而泣師問其故曰兄課未竟也壬戌兄養病山館公
與同起居凡三逾月病不起公痛晝夜侍臥側母歿哀毀骨立居廬三
年甲戌下第父年七十矣念鼎食不逮過華亭謁董宗伯陳徵君
徵文以佐壽觴丁丑乙榜為機部楊公所賞公過予邸舍自歎數
奇予為公規腕以親老授龍陽詢著述不倦廬公侍御林公交薦
己卯應聘滇南拔十人左進士廷臯龔鼎常鼎皆知各士庚辰下
第明年擢知新鄭縣時中州為賊蹂躪令皆解綬去慨然叱馭曰
國家養士恩禮不薄何至緩急不可恃乎平日虛談節義急則
賊以去所愧鬚眉吾恥之讀聖賢書所為何事吾志決矣歸而辭
父父曰報効朝廷是所望也是歲九月至邑謁子產祠歎息久之
有尙友之意焉歲旱氣厲民僅子遺城郭日圯公為撫循舉行諸

寶慶府志卷第二百二十二

耆舊忠節上

三

大事民皆德之曰古之遺愛也新四城門備火器設團練倡義勇
拮据良苦未幾土寇李際遇攻圍者再公率練總趙計等擒斬王
二毛等渠魁二十三入獲騾馬無數中丞及巡方欽公應變之才
冬十二月闖賊率輕騎數百逼城索印公率眾禦之數日復益數
千騎繞城呼降公大聲罵賊至午益萬餘以雲梯登城公巡城南
為賊所傷墮城且死日姓救之乃甦時賊亦去公曰復至則不可
支矣誓一死以守封疆遺家僕歸告殉難于父反子應祁壬午春
正月賊果大至公諭鄉士民曰此吾致命之日也我死矣我子產
廟側毋返旆觀急艸遺書報父曰人誰不死今得死所矣老父不
得盡孝之子得盡忠之子亦可快然於心也城陷巷戰不克十二
日破執至朱仙鎮公屹然不動賊欲屈之公大叱曰我朝廷命官
肯為汝屈膝耶賊猶欲屈公書公見上有繇字益激公怒大罵逆
賊不絕遂遇害年五十三學耆稱高霞先生門人龍陽貢生楊
芳義俠鍾寬家僕劉登劉廷儀楊時從公赴難楚撫何公沉撫
李公觀察郭公允六岸之請先建專祠於里以俟豫中題請褒公
殉節之忠云國朝張貞生贈尚寶寺卿默庵劉公墓誌銘十年
前作諸生讀孝則劉公撫新鄭令忠烈傳知默庵公死難始末密
往久之矣矧夏公嗣君應祁來京持公行狀丐銘予平生不喜譽
人諸以銘諸者輒辭之以誌銘多稱諛失實獨於公狀不忍不銘
亦不忍銘公籍本邵陽派本吉州而甘心死難與信國諸公後先
一轍雖不文其何能而十年其不忍銘者則詳公行實讀公遺札
感於中下筆無從然既十年其不忍銘者則詳公行實讀公遺札
安能以不銘謝哉按秋公諱孔暉字默庵廬本吉州安成下州
遷廬陵儒行鄉愷橋王父祖遊楚之邵陽因家焉生汝能

公之族善屬對技能奇之與兄肄業間公曰課已竟則伏几位師誦之曰兄課未竟年十三為督學董公元宰所器以是執經受業者踵接天啓辛酉舉于鄉王成會試道聞兄病篤即返侍疾旦夕親醫藥弗懈者三月後歿悲泣之哀感動鄰里又恐慰母彭孺人也收淚慰釋之丁卯彭孺人遺疾籲神請代孺人竟不起呼號痛絕水漿不入口數日汝能公諭再三乃飲糜就息坐臥極側形毀骨立者三載時稱為古孝子丁丑禮閣機部楊公奇之以策語過直中乙榜因授龍陽教諭任內己卯應雲南聘校書經監臨重公文行兼閱春秋所得士若主君廷臯官博士龔公鼎官庶常後皆以節聞修學宮建明倫堂月有課以鼓怠者出所有以佐貧者無不感激砥礪有咸庚辰直指林公鳴球首薦之例得國博值楚豫寇盜充斥州邑懸缺官多阻行解者曰憑限承至孟少侯觀變公毅然於色謂身係王朝惟上所以命況國家多事之秋正臣子鞠躬之日兼值大歉人民窳惰已事難知不可為集紳士議修議繕練鄉勇嚴保甲為防禦計一時紳士雖知不克守然感公正詞嚴氣皆樂從已而闔勢慚屈邑多立誓自保有以鄰邑事告者曰城不可守民聞多立誓防警鄰邑多立誓自保有以鄰邑事告者曰城不可守民也况已奉上司通行乎公正色謝之謂朝廷為卸城守責亦權宜策土城存亡即某存亡不知有他無何有賊騎百餘窺城公親率兵追殺又土寇王洪等鳩通李際遇黨掠村寨公遣兵斬殺頭目平之十一月間從汴經縣公委代捕率兵堵之至十二月初九日賊

數引眾逼城呼獻官獻印即免屠城公厲聲叱曰逆賊敢為此言官印即我守則守死戰則死戰次日賊益數千騎來逼土民畏死無固志有豪紳總城求生公親執斬之隨被賊矢傷臂墜城以死時從者昇公入民舍救醒絕飲食者二日百姓環跪泣進飭少慰公因以急告上司曰卑職受恩朝廷聞警即誓以死今果得死所矣鄭原無兵聞賊南陽等處勢如破竹職以孤城無處求援獨有閉關固守初九日未時輕騎數百逼城索印職隨即繫印肘間率眾禦之次日復益數千騎遠城呼降職大聲誓之誓與俱死至午復有萬騎隨至如石壓卵力委不支城架雲梯登城斬南關而入發火焚掠倉庫城樓皆燬一城盡竄職仰天大呼曰爾百姓當巷戰莫有應者職遂為賊中傷墜死而復甦乃知馬夫張等昇至城脚僻處權之至十一晚三更復生職氣息奄奄撞牆求死又為馬夫所觸不得死嗟夫死乃職之分尤職之願今手骨要斷碎頃刻必死但不得速死為憾伏乞急委官接印遲則職死矣不及知矣時撫院高公衡遣札慰籍謂天存門下所以存鄭之殘民公因論紳士曰某待罪鄭邑甫及三月率爾百姓拮据靡實鄭大夫之祠欲修葺未竟厥志願可思諸君子爾百姓附我骨於廟側隙地或者尙友古人古人或不我拒隨上可厝何必故鄉時紳士見論無不垂涕又遺書報父曰男無繫變之才無觀世之哲強出仕途今虐烽所指隨地瓦解亦中原大異事男甫臨鄭地相視人情即逆知有此變不克終侍膝下言之益慟絕血流幾番惟忍嗣蚤世男又有此變不克終侍膝下言之益慟絕血流幾番惟忍嗣願養勿以男為念又示兒姪書曰我憶幼年時夢山土洞中行今

有典日鳴呼公事親孝謹而與兄相友愛幼時詣塾師學書課已
寬楊芳皆殉難是為崇禎壬午正月十二日也事聞贈尚寶寺卿
復引昇至執公見印在肱開折臂取印去執至朱仙鎮見自成不
遣官來署縣事且收印巡撫高名衡取印不可於是公仍城守如故賊
昇至民家燒湯灌之閱二日而賊移文上官言孔暉且暮且死急
百姓巷戰莫有應者賊射公中臂隆城而殞賊尋去固人張賀等
禦而賊來益眾縣人困入焚掠倉庫諸樓皆燬賊降賊求生公執
兵至呼城上人速降獻官與印不然城且屠公繫印于肘登城守
存亡即孔暉存亡敢逃死乎於是修垣浚湟城守不待罪茲土縣
鄭城且殲歲復因人民多逃徙或教公棄城走民寨自全賊勢甚
盛身守死空城為也公謝曰朝廷不以孔暉為不肖待罪茲土縣
存亡即孔暉存亡敢逃死乎於是修垣浚湟城守不待罪茲土縣
禦而賊來益眾縣人困入焚掠倉庫諸樓皆燬賊降賊求生公執
百姓巷戰莫有應者賊射公中臂隆城而殞賊尋去固人張賀等
遣官來署縣事且收印巡撫高名衡取印不可於是公仍城守如故賊
復引昇至執公見印在肱開折臂取印去執至朱仙鎮見自成不
寬楊芳皆殉難是為崇禎壬午正月十二日也事聞贈尚寶寺卿
有典日鳴呼公事親孝謹而與兄相友愛幼時詣塾師學書課已

寶慶府志 卷第一百二十二 耆舊忠節上 五

安今讀公告急上司示新鄭紳士之言與前後報父遺諭兒姪之
言從容暇豫視死如歸其正氣性成檢點有素成仁取義本諸
懷來豈取辨且夕浮慕聲稱者所可同日語哉公生萬曆庚寅二
月八日靖節崇禎壬午正月十二日得壽五十三娶王孺人棟頭
片生王炳女繼娶郭孺人福建汀漳守備郭應元女男一即應
恩貢生娶葉縣知縣郭儒人福建汀漳守備郭應元女男一即應
孫萬期郡廩生卜堇於本里之祖原銘曰孔仁孟義是曰聖賢吾
心無媿仁義斯全襲而取者移方就國田變滄海血化杜鵑俎豆
其間千古一年汪有典史外劉縣令傳公諱孔暉字黻菴鄧陽
人天啓辛酉舉人為龍陽教諭巡按御史林鳴球知其賢表為縣
得河南之新鄭是時羣賊擾中原河南大亂公從聞道抵新鄭
鄭城且殲歲復因人民多逃徙或教公棄城走民寨自全賊勢甚
盛身守死空城為也公謝曰朝廷不以孔暉為不肖待罪茲土縣
存亡即孔暉存亡敢逃死乎於是修垣浚湟城守不待罪茲土縣
禦而賊來益眾縣人困入焚掠倉庫諸樓皆燬賊降賊求生公執
百姓巷戰莫有應者賊射公中臂隆城而殞賊尋去固人張賀等
遣官來署縣事且收印巡撫高名衡取印不可於是公仍城守如故賊
復引昇至執公見印在肱開折臂取印去執至朱仙鎮見自成不
寬楊芳皆殉難是為崇禎壬午正月十二日也事聞贈尚寶寺卿
有典日鳴呼公事親孝謹而與兄相友愛幼時詣塾師學書課已

畢而兄課不能竟則伏几泣而誦之以實對師喜每稱友愛然也見危授命何有哉恭奉欽定勝朝殉節諸臣錄新縣知縣劉孔暉邵陽人崇禎十四年闖賊至固守不能支城陷罵賊死通諡烈愍見第五卷

陳君寵字簡之新化人世居縣西之橫陽山山上有岩元季居民避亂居此故又呼岩邊新人言望族者必稱岩邊陳氏君寵又陳氏之望也祖文璧善琴蓄古琴二能召仙嘗以其術致呂仙於其地之紫溪滄浪亭撫琴動操移時廼去後遂名其地爲會仙橋名其琴仙所撫者爲弄雲白撫者爲懷仙國朝乾隆中弄雲歸長洲褚氏筠心學士廷璋集中有弄雲篇是也父大謨有隱德君寵性誠篤幼師事同縣譚昌期昌期以理學名於時言動皆有禮法君寵執經問難終日侍立不命之退不敢退既長以文雄於時舉萬曆戊午湖廣鄉試第一報至前夕其父夢學宮奎星樓上有龍

寶慶府志卷第百二十二

耆舊忠節上六

臥古鐘下解者以鐘形類山下龍爲寵字兆君寵當得解已而果然屢應禮部試不讎崇禎時授四川羅江縣知縣時賊氛四起君寵從父兄調元以歲貢謁選得建寧通判欲不行語君寵曰休矣時勢如此以身試險毋甯老死橫楊山爾君寵歎曰丈夫當烈烈轟轟以身許國兄迴輪而弟叱馭各行其志毋相強也遂行既抵羅江值歲荒旱設法振濟民賴以存活初羅江民不知水利旱則坐待天雨君寵至教民爲隄堰蓄水又教以龍骨車筒車轉水諸法民獲其利呼陳公車壬午聘爲四川同考官得張夬何其輝諸人皆蜀中名宿以才擢知涇川州未久卽殉難死僞鎮馬科者李白成別校也自秦開道入蜀涇潼川君寵旦夕督兵民固守時川中郡縣多陷滅援絕城陷賊逼降君寵忿罵賊將殺之潼川士民涕泣擁護賊亦重君寵節不遽加害欲久困以屈之幽五鼓祠